

Life Never Comes Again

-Mayank Kothari

Ek din class me ek 20-21 saal ka koí banda aaya. Príncipal ne unhe bulaya tha. Pata nahí kyon par jáise hi vo class me gaye kisine unki taraf dhyan nahí diya.

Vo 12th standard kí class thí.

Class me jab piche se príncipal aaye aur jáise hi unhone us bande ko class se introduce karvana chaha to ekdum se us bande ne príncipal ko unhe introduce karvane se rok diya

Unhone dhire se principal se kuch kaha aur principal sir class se chale gaye aur fir us bande ne class k saamne kuch is tarah apna muh khola

“Pata hai mere hostel ke paas me ek college hai, aur wahi pass me ek complex hai.

Mai jab bhi apne room ki balcony me aake dekhta hu to koi na koi couple waha shan se apni gadi par baithe hue batein kar rahe hote hai.

Bahot sare couples ko to mai pehchanta bhi hu

Kyonki vo log roz ate jate rehte hai

Usme se ek couple to aisa tha ki roz subah 8 baje ke karib aate the aur thik 10.30 baje k kuch der pehle nikal jate the.

Shuruat me to maine dhyan nahí diya, par kyonki un dino meri ITT ki class rehti thi to 10.30 baje se kuch der pehle nikal jata tha, aur vo log bhi usi vaqt laut jate the.

Ek mango people hone ke nate mai to ispe se yahi nishkarsh nikal sakta hu ki shayad unki 8 baje koī class rehti hogi aur 10.30 tak chalti hogi.

Class karna jan-pe aata hoga to janab baith gaye kahi gappe marne.

Kya kare, aakhir pyar jo karte the ek dusre se.

Par mujhe ye bataiye meri umar hai 20 saal aur unko dekhakar to yahi lagta hai ki unki takriban hogi 19 saal.

Mana ki pyar karne ki koi umar nahi hoti par jaruri hai ki vo pyar hi ho, jinko experience hai unhe thik se pata hai ki ye jaruri nahi ki ye pyar hi ho, ek attraction bhi ho sakta hai.

Chalo chodo yaar jo bhi ho, par kya ye umar thik hai aise waqt ko barbad karne ke liye.

Maí ek CA-Student hu, aur ek CA student hí
ache se samajh sakta hai ki padhai ke ye 4-5 saal
kaise nikalte hai, par shart hai vo office bhi jata
ho, naki dummy leke baitha ho.

Hum logo ka schedule kuch aisa rehta hai ki
dinbhar office jana padta hai aur subah-sham
classes.

Maine jab mere dost se ye kaha jo ki ca nahi kar
raha hai to usne mujhe kuch aisa jawab diya

“bas isme kya nayi baat hai itna to meri padhai
me bhi karna padta hai”

Par mai ye kehta hu ki ye dikhta sirf itna hai, jo
karta hai vo janta hai.

Aur agar aisa nahi hota to CA me aise quotes kabhi nahi bante -

“CA ki padhai me 24 ghante bhi kum padte hai”

“CA to bahot hard hai yaar, paas hi nahi hote”

“CA student se kuch bhi manglo par time mat mango”

“Agar aapko apni jindagi se pyar na ho to CA karlo”

Chalo chhodo bat jo bhi ho, har insan ko apni padhai hard lagti hai.

Kyonki ek 22 saal ke anpadh insan ko 3rd aur 4th ke sawaal bhi hard lagte hai.

Yaha baat hai Level ki.

Chalo to vapas topic pe ate hai.

Agar mai aapke samne kuch bade logo ke nam
rakhu jaise-

Jamshedji Tata- Tata

Dheerubhai Ambani- Reliance

Bill Gates- Microsoft

Steve Jobs- Apple

Aur bhi bahot sare,

To aap kya kahoge.????

yahí na kí ye log to bahot bade hai, bahot paísa hai in sab ke pass.

Rat ko sote waqt jarur aísá ban-ne ka sapna to aapme se kísíne dekha hoga. Par afsos dusre dín subah uthkar kabhi us bare maí socha nahí.

Aur agar socha hota to 19 saal kí umar me badhiya kahí kone me gadi ko middle stand pe lagakar apne sah-pathí ke sath gappe nahí marte.

Sach keh raha hu, kadva to apne aap lag jata hai.

Koi fark nahí padta kí aap footpath pe ho ya kahí aur, par fark padta hai to is-se kí aap footpath pe kar kya rahe ho.

Are bade bade logo ne bhi street lights k niche padh k apna carrier banaya tha.

Kyon??

kyonki unke paas us waqt apna ek sapna tha, kuch ban-na tha unko. Isiliye unhone mehnat se padhai kí, par waqt to hamesha pariksha leta rehta hai.

Unki asli pariksha vo nahí thi jaha vo apni exam dene jate the, us-se badi to waqt kí pariksha thi jisne unko unka sapna todne pe majbur kiya, par

unhone bhi har nahi mani, rat ko bijli ke abhav me street lights me baithkar padhai ki.

Aise waqt ko unhone maat di, aur yahi thi unki asli pariksha jaha vo khare utre.

To iska matlab jab maine apne dost se pucha to vo bola ki “ iska matlab aisa ki agar aap street lights me baithkar padhai karoge to bahot bade insan banoge, he he!!!”

Ab us budhhu ko kaun samjhaye.....!!!!

Yaad rakhiye agar aap ki rah mein mushkile nahi hai to manjil pane me maja bilkul nahi aayega.

Chalo ek sadharan sa udhaharan lete he.

Man lijiye aap ek college me hai. Us college me aap bhi padhte hai and ek aur ladka/ladki hai jo aapka hi sahpathi hai.

College shuru hota hai , aur pehle hi din college ke principal sirf aapko apne cabin me bulate hai aur kehte hai ki

“Tum chinta mat karo is saal me tumhe paas kar dunga isliye tumhe padhne ki koi jarurat nahi.”

Aur isi ke mutabik aap bhi saal bhar padhte nahi aur exams de dete hai....

Vahi dusri aur aapka sahpathi bhi saal bhar kuch nahi padhta par har normal student ki tarah

exam ke kuch mahino pehle tuti-futi padhai karke exam de deta hai...

Din bit-te jate hai.. aur aapke results ki date najdik aati jati hai..

Par isse aapko kuch fark nahi padhta kyunki aapko result pata hai ki kya aanewala hai....

Vahi jab result ki date aati hai to us din aapke sahpathi ke gharwale kafi chintit hote hai....k mera bachha pass hoga k nahi...kyunki uske gharwalo ko pata hota hai ki apne bachche ne kitni padhai ki hai...

Ab result aata hai...aur khushkismati se aap dono pass ho jate hai.

Bataiye mujhe kisko sab se jyada khushi hogi
result aane ki

Beshak aapke sahpathi ko hi n???

Kyonki aapko to pehle se hi pata tha ki kya
honeya hai.

Padhai ki 12th class tak aap sirf basics sikhte ho,
fir kuch 4-5 saal tak aap koi
degree/certificate/diploma....etc. etc. haasil
karte ho,

Ye jo 4-5 saal hote hai na, ye apki aage ki puri
kismat likh dete hai, yaha waqt ki kimat bahot
jyada hoti hai.

Mai yaha hostel me rehta hu, mere gharwalo ne bhi mujh par bharosa karke yaha bheja hai. Unhe pata hai padhai ki kya kimat hoti hai.

Mere pitaji kaise kamate hai ye mujhe pata hai, isiliye har kharcha soch samajh kar karta hu, mai jab bhi apne pitaji aur maa se bat karta hu to vo har bar mujhe kehte rehte hai ki

“beta soch samajhkar kharcha karna, jyada ulti sidhi chijo me paise barbad mat karna. Khane pine ke liye paise ke bare me mat sochna, par apni sehat ka bhi khayal rakhna. Jyada bahar ka khayega to bimar pad jayega. Paushtik chije khate rehna aur apna dhyan rakhna”

Vo sirf itna hi bolte the, par kabhi mujhse paiso ka hisab nahi mangte the ki itne paise kaha lag gaye.

Iska mai chahta to man marji istemal kar sakta tha.

Badhiya dosto ke sath hotel me jake khana, movies dekhna, aur bhi bahot kuch.

Par mere pitaji ko maine apne aakhon ke samne pasina bahake paise kamate hue dekha hai, subah 7.30 se rat ko 10.00 baje tak continuously kam karte rehte hai.

Aur isiliye jab bhi mai paise kharch karta tha to limit mai rehkar. Iska matlab ye nahi ki mai hotel

me jata hi nahí tha , ya movies ka shauk hi nahí tha.

Ye sab bhi karta tha par apne limit me rehkar jaha mere dost log mahine me 4 baar jate the vaha me ek hi baar jakar khush ho jata tha.

Aaj mai bilkul fit hu, acchi personality hai aur height bhi achhi hai.

Ye sab kaise, ???????????

Bas apne khane pine aur exercise pe mai shuruat se dhyan rakhta aaya hu aur kuch nahí.

Paise hone ka matlab ye to nahí tha ki mai kuch bhi khau jo mere sehat ke liye nuksan ban jaye.

Aur mujhe to aage badhna hai apni jindagi mai,
isiliye practically dekho to sirf ek degree hi kam
nahi aati

Uske sath sath aap k paas kuch skills bhi honi
chahiye na???

Business world me jao to achhi personality honi
chahiye na???

Jitna bada sochoge rah utni hi muskil banti
jayegi, par iska matlab agar sochna hi chod doge
to fir to kamana mahine ke 10000- 20000 is
mehangai ki duniya mai aur bada ghar, badi gadi,
acchi biwi ke bare me bilkul bhi mat sochna.
Kyonki ye sab to milega hi nahi.

Vo advertise to dekha hi hoga na aapne “nayi gadi, naya ghar, nayi biwi ,kya baat hai....!!!!”

Bas hum kya karte hai sapna to dekhte hai par jab us ko pura karne ki bari aati hai to hath khade kar lete hai.

Chalo man lijiye ki aaj aapko koī degree mil gayi aur kahī 20000 har mahīne ki naukri lag gayi.

Aur aap ye sochte hai ki kuch salo bad mera ek bangla hoga, ek gadi hogi , acha sa laptop hoga,

badhiya mobile hoga, ek aadh bar foreign ghum kar aaunga badhiya kapde honge jute honge.

Mano ya na mano har insan aisa sapna to dekhta hi hai jisme in sab me se kuch na kuch shamil ho.

To kyon na in sabki andajatan ek kimat nikal li jaye.

Bangla - normal si city me ek bangle ya ghar bhi kharidna ho to aaj ki date mein minimum Rs. 20 lakh chahiye. Mai bat kar raha hu ache well

furnished ghar ya bangle ki jo kisi achhi jagah pe ho.

Bade shahar to chod hi do, 1 crore ki niche kuch nahi milne wala aapko.

Fir bari aati hai ek achhi gadi ki to takriban aapko uske bhi 7 lakh to chukane hi honge. Yad rakhiye Gadi acchi wali chahiye thik hai....

Aur laptop bhi lena ho to Rs. 50000 me sari facility wala mil jayega. Yaha mai keh raha hu kisi

normal laptop ki to Apple k Mac-Book ke bare
mat sochiyega please.

Mobile aa jayega 8000 ka kapde aa jayenge
10000 ke aur jute aa jayenge 1000 ke

Total milake kitne hue Rs. 20 lakh + Rs. 7 lakh
+ Rs. 50000 + Rs. 8000 + Rs. 10000 + Rs.
1000

Yani Rs. 27,69,000

Aur tab tak ka aapke mahíne ka average aur aanewali mehangayí ka kharcha pakad líjiye Rs.10000.(Maí yaha normal insan ke hesíyat se bata raha hu to galti se bhí Present Value aur Investment jaísi chíjo ka gyan mat batíyega kyonki maíne 10000 pehle hí bahot kum líye haí.)

Isme aapke aur aapke bíwí ka khane ka, kuch kapdo ka, aur chíller chíjo ka, agar ghar bhade pe haí to uska, aur bíjli, paní, tax aur fir kuch saal bad apke dono bacho ka, unki padhaí ka, kítabo ka, kapdo kharcha ye sab aa gaya.

Agar aap dhyan denge to 10000 maine bahot kam bataye he. Par fir bhi thode waqt ke lijiye man lijiye.

Ab bataiye ki kitne saal lagenge aapko ye sab chije haasil karne me.

20000 me se 10000 to aise hi nikal gaye.

Ab bache 10000 ko 2769000 se divide kar dijiye.

Yani takriban 27 saal lag jayenge tab jake aapke paas har vo chij hogi jo maine batayi thi.

Aur aaj agar aap 22 saal ke he to us waqt aapki umar hogi 49 saal.

To gayi aapki jawani pani me.

Aur agar apko yaad ho to maine 2769000 me foreign trip chod di hai, jisme aap apni biwi ke sath jate to kam se kam 2-3 lakh ka kharcha aur aata.

Agar ye sab pane me aapki umar 50 ke par ho jati hai to kya matlab hai in sab ka.

Compare kijiye isko apne aap se aur aap bhi isi tarah se apne khudke calculations laga ke dekhiye.

Future aapke hath me hai...

Yaad rakhiye Jindagi Sirf Ek Bar Milti Hai..

Aur jo maja mushkilo ko par karke kuch haasil karne me aata hai vo free ki chij me nahi aata..

Jara dhyan se sochiye aur fir jakar kisi college ke samne complex ke niche gadi ko middle stand pe lagaiyega.

Thank you very much ”

Class khatam hui aur jaise hi vo bahar nikle tabhi
koi student unse unka nam puchne class se
bahar aaya ..

Par tab tak vo nikal chukhe the.....!!!!!!!!!!!!!!

“Jai Jinendra”